



# ज्वजलपा वाःपौ

JWOJALAPA NEPALBHASA WEEKLY

दै: ६ ल्या: ३३ पूर्णाङ्क: ८५

ने. सं. ११३६ सिल्लाग द्वादशी आइतवा: २०७२ फागुण २३ गते आइतवार (Mar- 6, 2016)

मू: ८/- (च्यातका)

## यल नेवा: पत्रकार दबुलिइ भिन्त्याम्हेसिया न्हूगु नेतृत्व

## नेवा: पत्रकारत उत्साहित कथं संगठित जुयाच्चंगु दावी

ज्वजलपा वा:पौ

नेवा: पत्रकारतय्गु राष्ट्रिय संगठन नेवा: पत्रकार राष्ट्रिय दबू यल कचाया निक्व:गु त:मुँज्या शनिवा: क्वचा:गु दु ।

यल जिल्लाया प्रमुख जिल्ला अधिकार ऋषिराम शर्मा उलेज्या यानादीगु नेवा: पत्रकार दबू यल कचाया निक्व:गु त:मुँज्याय धर्मादित्य पत्रकारिता सिरपा: ल:ल्हायेगु ज्या जूगु ख: ।

सन्ध्या टाइम्स न्हिपौया सम्पादक सुरेश किरण मानन्धर यात भिन्त्याद्ध: तका दां नापं हना पौ ल:ल्हाना अथे सिरपा: ल:ल्हा:गु ख: ।

नेवा: पत्रकार राष्ट्रिय दबूया यल जिल्लाया नाय: सुरज व्यञ्जनकारया सभापतित्वय् जूगु उगु ज्याभ्वल्य सम्मानित जुयादीम्ह पत्रकार मानन्धर, यल उपमहानगरपालिकाया प्रमुख भरतमणी पाण्डे, समाजसेवी



रमेश महर्जन, फोनिजया नाय: डण्ड गुरुङ, नेवा: पत्रकार राष्ट्रिय दबूया केन्द्रीय नाय: श्रीकृष्ण महर्जन लगायतया व्यक्तिपिन्सं नेवा: पत्रकारतय्सं थौया इलय समाज रुपान्तरणया नितिं नापं देय् समृद्धिया नितिं भूमिका म्हितेमा:गु खँय ब: वियादीगु ख: ।

उगु समारोहलय रुवि श्रेष्ठ लसकुस न्वचू वियादीगु ख:सा

अथे हे धर्मादित्य पत्रकारिता सिरपा:या वारे राजेन्द्र श्रेष्ठ कनादीगु ख: । उगु हे कथं नेवा: पत्रकार राष्ट्रिय दबूया न्वकू सुनिल महर्जन नं थ:गु नुग:खँ प्वांकादीउगु उगु ज्याभ्वल्य यलया थीथी नेवा: समाजया न्हयलुवा:पिं पाहां कथं सहभागी जुयादीगु ख: । उगु ज्याभ्व: सुरजवीर बज्राचार्य न्ह्याकादीगु ख:

। यलया पत्रकारतय्गु

उपस्थितिइ जूगु उगु ज्याभ्वल्य थ:थ: विचा: प्वांकेगु भ्वल्य नेवा: पत्रकारतय्सं नेवा:तय्गु हक अधिकारया नितिं न्हय: वनेमा:गु नापं संगठित जुया वनेमा:गु खँय ब: वियादीगु ख: । अथे उद्घाटन समारोह क्वचाये धुंका: जूगु बन्दसत्रं सुरज व्यञ्जनकारया नेतृत्वय् भिन्त्याम्हेसिया ज्यासना पुच: ल्य:गु दु । उगु ज्यासना पुचलय् न्वकू रुवी श्रेष्ठ, छ्याञ्जे

राजेश शाक्य, दांभरी नविन थेच्वमि, दुजलय सुविन महर्जन, मन्जु बज्राचार्य, सागर महर्जन, प्रसान्त माली, विकास माली लगायत ल्य:गु ख: ।

नेवा: पत्रकार राष्ट्रिय दबूया निक्व:गु केन्द्रीय त:मुँज्या वइगु वैशाख ११ गते किपुलिइ यायेगु तयारीया भ्वल्य थीथी जिल्ला अधिवेशन जुयाच्चंगु दु । ख्व हे भ्वल्य फागुन २६ गते काभ्रे

जिल्लाया त:मुँज्या, २८ गते येँ जिल्लाया त:मुँज्या नापं चैत्र ६ गते ख्वप जिल्लाया त:मुँज्या जुइ धा:गु दु । अथे जिल्ला जिल्लाय त:मुँज्या जुया यक्व हे नेवा: पत्रकारत उत्साहित जूगु नापं संगठित जुयाच्चंगु दु धका: नेवा: पत्रकार राष्ट्रिय दबू निक्व:गु त:मुँज्या ग्वसा: खल:या नाय: नापं दबूया केन्द्रीय नाय: श्रीकृष्ण महर्जन कनादीगु दु ।

### थ:पिनिगु नेवा: भाय् व खय् भाय् न्ह्यागु भाय्या सुचंनिसें च्वसू व साहित्यया नितिं थाय् मा:सा जिमित लुमंकादिसँ

तपाईको टोलमा भएका घटना कीर्तिपुरको समाचार बनाउने हो भने तपाई एक कल फोन गर्नुस् हामी तपाईको टोलको समाचार कीर्तिपुरको समाचार बनाईदिनेछौं

### कीर्तिपुरको चित्रण



ज्वजलपा वा:पतिइ छिगू चिनाखँ/बाखँ/हाइकू विज्ञापन व मेमेगु च्वसू पिथनेगु जूसा जिमित स्वापू तयादिसँ

सकलसिगु मंका: स:



# ज्वजलपा वाःपौ

किपुलिं पिदनाच्चंगु कीर्तिपुर सन्देश वा:पौ व ज्वजलपा: वा:पौया ग्राहक जुइगु नितिं स्वापू तयादिसँ

कार्यालय: निखासी टोल: कीर्तिपुर नपा-३  
फोन नं.: ४३३३००७, ९८४१४०१०७७

ज्याकू: निखासी त्वा: किपू नपा-३ फोन ल्या: ४३३३००७,  
९८०८६२६४२० ई-मेल : kirtipur\_sandesh@live.com



## ज्वजलपा वा:पौ

सल्लाहकार  
श्रीकृष्ण महर्जन  
प्रकाशक:

नजरराम महर्जन  
सम्पादक  
श्रीकृष्ण तण्डुकार  
ले-आउट:

ज्वजलपा डेस्कटप  
संवाददाता

भरत महर्जन, निरजमान सिंह  
थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : kirtipursandesh@live.com

### सम्पादकिय

## त:मुँज्या नीतिसिबें नेता प्रधान

प्रमुख प्रतिपक्ष दल नेपाली कांग्रेसया भिंस्वक्व:गु त:मुँज्या यें जुयाच्वंगुलिं आ:या अवस्थाय् कांग्रेसया नेतृत्व सुना याइ धका: सकलसिगु ध्यान वनाच्वंगु दु । त:मुँज्याया भ्वलय् नीति नापं कार्यक्रमया सवालयसिबें नं न्हूगु नेतृत्वया सवालयात कया अप्व: ध्यान वनाच्वंगु खने दु । चुनावया नितिं उम्मेदवारतय्सं यानादीगु तयारी नापं उम्मेदवार जुयादीपिनिगु ल्याखं स्वयेबले नं नीतिसिबें नं नेता प्रधान जुयावंगु अवस्था खने दु ।

६३ म्ह केन्द्रीय दुज:या उम्मेदवारी जुयादीपिन्सं थ:थ:पिनिगु उम्मेदवारी लित कयादीगु दु । केन्द्रीय सदस्य मुक्कं याना ६१ म्ह दुज: जुइसा उकिया नितिं जक हे ३०२ म्हेसिया दथुइ धेधेबल्ला जुइगु अवस्था दु । अथे हे मुक्कं याना केन्द्रीय सदस्य नापं पदाधीकारी सहितया ६४ पदया नितिं मुक्कं ३७५ म्ह उम्मेदवार जयादीगु दु । सभापति व महामन्त्रीया नितिं स्वम्ह स्वम्ह अले दांभरीया नितिं प्यम्ह उम्मेदवारी जूगु दु ।

उम्मेदवार जूपिं यक्व दुगु धइगु हे नेतृत्व थ:थ:म्हं याये दयेमा धका: तायेका चुनावय् त्वा:गु ख: । अले चुनावया नितिं फ्लेक्स बोर्ड दयेका, भिजिटिड कार्ड इना नापं मनूत परिचालन याना गुगु कथं प्रचार या:गु दु थ्व ल्याखं आ: नेपाली कांग्रेसया नेतृत्वया नितिं सु नं सर्वसाधारण मनुखं चुनाव त्वायेगु आँट याइगु अवस्था मन्त धा:सां छुं पाइमखु । केन्द्रीय सदस्यय् उम्मेदवारीया नितिं यक्व ध्यवा खर्च यायेमा:गु नापं प्रचार प्रसार यक्व यायेमा:गुलिं आ: कांग्रेस नीतिसिबें नेतायात प्रधान दयेका वनाच्वंगु नापं धनीपिं जक चुनावय् त्वाये फइगु वातावरण तयार जुयावन धका: अ:पुक हे अनुमान यायेफइगु अवस्था दु ।

## गनं वल नेवा:त ?



प्रेम शान्ति तुलाधर

नेवा:त नेपा:या स्वनिग:या आदिवासी ख: । थुपिं उप्व: याना: शहरय् बसोवास याइपिं ख: । थ्व जातिया उत्पत्तिया खँ आ:तक क्व: मजीनिसां थौया नेवा:त छगू जाति विशेष व:पिं मखु धइगु खँ धा:सा विद्वानत सहमत जुगु दु । नेवा: खँव:या ब्युत्पन्न कथं नेवाड, नेवाहाड, नेवा: धा:पिं मंगोल नश्लयापिं मनूत हे थौया नेवा:तय् आदिम पुर्खा ख: । इमिसं ल्हाइगु भाय् हे थौया नेपालभाषाया प्राचिनतम अस्तित्व ख: । बागमति खुसिया ज:ख च्वंगु १६८२० माइल ताहा:गु गा: परापूर्वकालनिसें नेपा:या केन्द्रस्थल जुयाच्वंगु दु । थ्व हे गा: नेवा:तय् आदिम स्थल ख: (आचार्य, ने.सं. १०८९:३(१६) ।

लिपा बिस्कं बिस्कं इलय् थीथी कथं उत्तर दक्षिणपाखें विविध जातियापिं मनूत (किरात, शाक्य, लिच्छवी, ठकुरी, वृज्ज, गुप्ता, आभीर मल्ल आदि) दुहां वया: थनया न्हापाया आदिवासीनाप छस्वा छथी जुयावन । थुकथं थनया आदिवासीत नेवाड, नेवाहाड, नेवा:धा:पिं मंगोल नश्लयापिं मनूत खया: नं नेपा: गालय् बसोवास याइपिं फुक्कसित उवलयया चलन कथं नेपा: देया नामं नेपा:मि, वा नेवा: धइगु जुगुलिं थुपिं फुक्क नं नेवा: जुयावन (जोशी, वि.सं. २०३०:८९) ।

थ्व धापुयात थौया नेवा:तयगु शरीरिक बनौट, रुप रंया भेद, धर्म संस्कृतिया विविधता आदि नं यचुक क्यं । उकिं थौया नेवा:त छगू खास जातियापिं जक मखुसे थीथी जातिया त्वाक:बुक: ख: । थीथी थासं वाय्हिला: थन मूव:पिनिगु समुदाय ख: । थ्व समुदाय दुने च्वपिं मनूत थीथी थासं व:पिं व थीथी भाषा संस्कृतियापिं जूसां नेपा:गालय् वया: थन जीवन हने मार्सेल थन उवलय चलनचलिइ वयाच्वंगु जनभाषा, गुगु नेपाल देया नामं क्वकयात:गु डेपाल, नेवार, नेपालभाषा, व नं अमिसं मसयेकुसें मगात, वं थ:त सभ्य व सुसंस्कृत धायेकेगु नितिं थनया संस्कृति नं ग्रहण मयासें मगात । थ्व हे कथं थनया न्हापाया आदिवासी जातितयगु भाषा नेपारभाषा, नेपालभाषायात इमिसं मंका: भाषा कथं नालायंकल । नापं थनया मूल संस्कृतियात नं मंका: संस्कृति कथं

नालाकाल । कालान्तरय् वना: थनया आदिवासीत नापं छगू समुदायलय् मुव:गुया छगू परिचय वा मंका: चिं थ्व हे भाषा व संस्कृति जूवन ।

डा. कमल प्रकास मल्ल या धापू कथं थौं आदिवासी नेवा:तय् पाखें थौकन्हय्या नेवा:तय् पुचलय् छुं तत्व ल्यंदनिसा व तत्व थ्व हे धका: धायेगु मानव शास्त्रीय, सांस्कृतिक, सामाजिक व मेमेगु प्रामाणिक आधार छुं मदु । अथे जूसां थौकन्हय्या नेवा:तय्सं ल्हाना वयाच्वंगु गुगु भाय् ख:, व भाय् हे छगू क्वातुगु प्रामाणिक आधार जूगु दु । थुकिं आदिवासी नेवा:त व थौकन्हय्या नेवा:तय् दथुइ छुं मखुसां निद्र:दँया अटुत सम्बन्ध दुगु खनेदु थ्व सम्बन्ध इतिहासया विभिन्न इलय् वाय् हिला: पिनें वया: च्वंव:पिं छधि जूगु सह-अस्तित्वया चिं जक नं खयेफु । तर मंका: भाय्या थ्व सम्बन्ध धा:सा आदिवासी नेवा:त अवश्य नं सामाजिक व सांस्कृतिक दृष्टिकोण आतिथ्य व सौहार्दपूर्ण समाजया पृष्ठपोषक ख: धका: यचुक क्यं । इमिके अनेवा:तय् नं नेवा: यानाछवयेगु सामाजिक संगठन, अनेवा:तय् नं थ:गु संस्कृतिइ थाय् वीगु व नेवा: भाय् ल्हाये सयेके वीगु उदारता दु धैगु स्पष्ट खनेदु (मल्ल, ने.सं. १०९८:घ) ।

आदिवासी नेवा:तय्के अनेवा:तय् नं नेवा: याना: छवयेगु सामाजिक संगठन, थनया संस्कृति ग्रहण याके वीगु सांस्कृतिक बाहुल्य, नेवा:भाय्, नेवा: संस्कृति ग्रहण या:गुया मू हुनि थ्व हे जक मखु, थन च्वना: म्वायेमा:गु, थनया जीवनय् भ्यलयपुने मा:गु बाध्यतां याना: हे इमिसं नेवा: भाय्, नेवा: संस्कृतियात नाला यंकूगु जुइमा: । मुल नेवा:त नेपा: गा:या मूल निवासीत ख: गुपिं काइष्टया सिबें खुस: दँ न्ह्य: हे थन दुगु खनेदु (रग्मी,इ.सं.१९६०:१६) ।

लिच्छवितय्सं नेपा:गालय् शासन याये न्ह्य: थन शासन यानाच्वपिं थनया किरात जुजुपिं नेपार जातिया जुजुपिं धका: नालात:गु दु संस्कृत भाय् ज्वना: लिच्छवित नेपा: गालय् दुहां वये न्ह्य:थन असंस्कृत भाय् ल्हाइपिं मनूतय्सं वास यानाच्वंगु व थ्व गा:या बस्ति आपालं गुँच्व:, थाय् खसि आदिया नां पर्यन्त हे भासं जूगुलिं छुं मखुसां लिच्छवित वये २००२४०० दँ न्ह्य:वर्निसें थ्व भाय् ल्हाइपिं (किरात,नेवाड,नेवाहाड,नेवाल, नेवार न्ह्यागु धैदिसँ) दुगु खँ सीदु (मल्ल, ने.सं. १०९८:१६६) । थुकथं इस्वी संवत् शुरु जुइ न्ह्य: हे थ्व नेपा:गालय् नेवा: भाय् ल्हाइपिं नेवा:त दयेधुंकूगु ख: । थुपिं मूल नेवा:त चीनया कांसु प्रान्तया उत्तर पूर्व

निसें सँदय्या दक्षिण व पूर्व दयेकीगु अर्धवृत्त क्षेत्र म्हाति नं निक: दक्षिण स्वया: वाय् हिला: नेपागालय् व:पिं ख: (डोहर्टी, १९७८:४३९(४४२) ।


थुपिं अफ्र पूर्वया दोलखा जुया: व:पिं ख:(माली, ने.सं.१०९८:१५) ।

थुकथं मूल नेवा:त मंगोल नश्लयापिं व आदिकालनिसें थन खने दयेधुंकूपिं खयां नेवा:त मुक्कं थुमिगु जक वंशज मखुसे मेमेगु जातिया नं त्वाक:बुक: ख: । थौं थ्व समुदायया मंका:चिं धयागु हे नेवा: भाय् ख:, नेवा: संस्कृति ख: व गुगु इलय् थ्व समुदायया मंका: चिं धयागु हे नेवा: भाय् ख:, नेवा:संस्कृति ख: व गुगु इलय् थ्व स्वनिगलय् बसोबास याये धुंकूपिं ख: ।

ऐतिहासिक क्रमय् शुरुइ स्वनिग:या पिनेयापिसं थ्व स्वनिगलय् च्वपिं नेवा: धायेगु या:सां थुमिसं थपिनिगु परिचय धा:सा नेवा:धका: वीगु या:गु खनेमदु । अफ्र शासकतय्सं ला थ:त किरात, लिच्छवी, वर्मन, मल्लथकू आदि धका: म्हासिके वीगु या:गु दु । ख ला नेवार धइगु खूव:नेपाल संवत् ७३९(इ.सं.१७९९अर्थात् वि.सं.१७७५) दँयकस्त दाते च्व:गु नर पतिजयचर्या स्वरोदय ग्रन्थय् उल्लेख जुगु ख: (माली, ने.सं.१०९८) थ्वया लिपा गोर खाया जुजु राम शाहं स्वनिग:या नेवा:त गोरखाय् बनेज्या याकेत यंकूगु इस्वी सन् १९६५ लिपा छयलाबुलाय् व:गु खनेदु । थ्वया लिपा यँया जुजु प्रताप मल्लं लायकूया अंगलय् १५१० भासं च्वाकात:गु (ने.सं.७७७) शिलापत्रय् नेवार खँव: छयलात:गु दु । ने.सं.८८८स गोरखाया शासकतय्सं स्वनिग: त्याका: सत्ता थ:गु ल्हातय् लाके धुंका: स्वनिग: यापिं मनूतय् जक नेवार धका: धायेगुलिइ तीव्रता वल, अले पिनें वया: स्थायी रुप स्वनिगलय् बसोबास या:व:पिं न्ह्यागु जातियापिं जूसां फुक्कसित न्हापा यें नेवा: धायेगु परम्परा तनावन (मल्ल, ने.सं. ११११:२) ।

थथे खस जुजुपिनिगु ल्हातय् थनया शासन सत्ता लायेधुनेवं थनया प्रशासनिक भाषाखस भाषा जूवन । खस भाषा मखुपिं न्हापांसि नेवा: भाय्यात थ:गु भाय् कथं ल्हाना वयाच्वपिं, नेवा: संस्कृतियात थ:गु संस्कृतियात थ:गु संस्कृति कथं हना वयाच्वपिं, गुगु इलय् स्वनिगलय् बसोबास याये धुंकूपिं थीथी धर्म जातया छगू समुदायवा छगू हे जातियापिं मनूतय् जक नेवा: धायेगु जूवन । थुकथं नेवा: जातिया जात: प्वला स्वयेगु धैगु हे नेवा:तयगु जक मखु नेपा:या इतिहास व संस्कृति गय् छथी जुल धैगु प्वला स्वयगु ख: (मल्ल: ने.सं.१०९८:ड) ।

(साभार नेपालभाषा साहित्यया इतिहास)



सू  
सच्छि तका जक (१००/-)

## किपूया गथु प्याखं (गं मखा:गु प्याखं)

सफू वजारय् पिदने धुंकूगु दु थ:गु प्रति सुरक्षित यानादिसँ

### सफू दइगु थाय्

- १) खपया च्याम्हसिंहया स्टेशनरी पस: (श्याम सुन्दरया पस:)
- २) खप कमल विनायकया स्टेशनरी पस:
- ३) किपूया सत:क्वया स्टेशनरी पस:
- ४) किपूया देय् पुगूया बाघभैरव स्टेशनरी पस:
- ५) किपूया पांगा दोबाटोया किपू बूक प्वाइट
- ६) यँया भोताहिंति नातिवज्रया पस:
- ७) यँया कुलाभुलिइ च्वंगु मंका: धुकू पस:
- ८) यल, यल ध्वाखा अर्जुन स्टेशनरी पस:
- ९) स्वापू नितिं मेमेगु फोन नम्बर: ४३३४०९३, ९८४९७५२५८३, ९८४६०४६९२३९



## किपुली प्रम केपी ओलीया औपचारिक भ्रमण जुइगु



ज्वजलपा /

ने.सं.११३६ चिल्लाख दुतिया (२०७२ फागुण २८) शुक्रवा: खुन्हु प्र.म. केपी शर्मा ओली छगू औपचारिक ज्याभवलय किपुली भाइगु जूगु दु।

शताब्दी पुरुष, संस्कृतिविद एवं नेपालभाषा एकेडेमीया संरक्षक सत्यमोहन जोशीजु च्यादीगु “अर निकोकृत स्वेत चैत्य” सफूया विमोचन जुइगु दु। उगु सफूया उलेज्या यायेत प्रधानमन्त्री ओली किपूया नेपालभाषा एकेडेमीया हल्यु भ्याय्त्यंगु खः।

शौ स्वयां पीदँ न्ह्यःहे नेपालभाषां च्यादीगु थुगु सफूया अंग्रेजी भाषां नं अनुवाद जुया पिहाँवय् थुंकूगु दु। आः

उलेज्या जुइगु सफू खय्भासं वय्कःया काय अनुप जोशी भाय्हीकादीगु खः। प्रधानमन्त्री ओलीया किपू भ्रमणया खँय सहलह यायेत वंगु बुधवा: सिल्लागा अष्टमी खुन्हु नेपालभाषा एकेडेमी किपुली छगू अन्तरक्रिया ज्याभवः जुल। उगु ज्याभवलय किपूया स्थानीय र।जनैतिक दल, बुद्धिजीवि, पत्रकारपिनित सःता नेपालभाषा एकेडेमी जानकारी व्यूगु खः।

उगु मुँज्याय एकेडेमीया छ्याञ्जे मल्ल के सुन्दरं याकनं हे प्रधानमन्त्री ओली चीन भ्रमणय् भाइदीत्यंगु दु। चीन नेपाःया जःलाखःला देय् खः। चीननाप नेपाःया राजनैतिक जक मखु सांस्कृतिक

स्वापू नं यक्व पुलांगु दु धैगु थ्व सफू दसि खः। उकिं नेपाः व चीनया सांस्कृतिक सम्बन्ध बारे थप जानकारी विइत थ्व सफूतिं योगदान याइगु खँ कनाःदिल।

अले थ्व सफू किपुलीं हे छाय् विमोचन यायेमाल धैगु खँय नेपालभाषा एकेडेमी अरनिको ग्यालरी दुगु व च्वमि जोशी एकेडेमीया पुलांम्ह चान्सलर व आःयाम्ह संरक्षक जूगु हुनिं वय्कलं सफूया विमोचन किपुली हे यायेगु इच्छा याःगुलिं थन यायेत्यनागु खँ कनाःदिल। नापं थुगु लागाय् ज्याभवः जुइगु जुयाः किपूमितय्गु ग्वाहालि दइगु भलसा कयाः थ्व मुँज्या यानागु नं कनाःदिल।

उगु मुँज्या एकेडेमीया भाइस चान्सलर यज्ञरत्न ध्वाखाया नायोसुइ जूगु खः। मुँज्या न्ह्याय् न्ह्यः छ्याञ्जे मल्ल के सुन्दरं नेपालभाषा एकेडेमीया दुजःपिनित्गु म्हासिइका बियादीगु खः। अनं लिपा अन भाइदीपिं सर्कासिं थःथःगु म्हासिइका बियादीगु खः।

अन भाइदीपिं सर्कासिं प्र.म. ओलीया औपचारिक भ्रमण न्हापांखुसि किपुली जुइत्यंगु थुगु भ्रमणयात सकसैंनं लसकुस यानाः ग्वाहालि यायेगु बचं बियादीगु दु। नापं थ्व भ्रमणयात किपूया हितया लागि छुयलेत नं बःबिया दिल।

## समुदाय प्रहरी सेवा समितिं सुचुकुचु यात



प्रतावित नां समुदाय प्रहरी सेवा समितिया ग्वसालय् म्हिगः सनिवा: मंगलस्कूलया उत्तरपाखे व चिथू तनय सुचुकुचु यात। वंगु सनिवा: फागुण १५ गतेनिसें किपूया सम्पदा मार्ग सुचुकुचु यायेगु ज्याभवःकथं थ्व सुचुकुत यायेगु ज्या जूगु खः। वंगु फागुण १९ गते महानगरीय प्रहरी वृत किपुली च्वंगु छगू मुँज्यां वातावरण संरक्षण उपसमिति नीस्वंगु खः।

संयोजक सरव महर्जन- वातावरण संरक्षण समाज, दुजःपिं संचित डंगोल-राराहिल फाउण्डेसन, सन्तोष महर्जन -ओनस नेपाल, नजरराम महर्जन -पत्रकार, मिडिया पार्टनर, चन्द्रमाया महर्जन- पाँ महिला वचत, दामोदर भट्ट-स्वच्छ वातावरण, पदम थापा- क्लिन नेपाल, दिलमान पोडे- स्वच्छ नेपाल, ललिता महर्जन- आई कीर्तिपुर, पदेन सदस्य ज्ञानबज्र महर्जन-कीर्तिपुर नगरपालिका, नेपाल प्रहरी वृत कीर्तिपुर व सशस्त्र प्रहरी यानां भिन्छम्हेंसिया समिति दयेकूगु खः। वहे समितिया शुक्रवाःच्वंगु मुँज्यां म्हिगः सनिवा: सुचुकुचु याःगु दु। आः उगु थासय् फोहर बांछ्वपिन्त भिन्त्याद्रःतका बँ पुइकेगु अथवा सार्वजनिक मुद्दा चलय याइगु जूगु दु। याकनं हे उगु थासय् सीसीटिभी जडान यानाः फोहर बांछ्वपिनिगु पहिचान यायेगु वहे कथं कारवाही नं यायेगु जुइ धाःगु दु। म्हिगःया सुचुकुचु ज्याभवलय् मंगल उच्च मा.वि. व हिलटाउन उच्च मा.वि.या विद्यार्थी, शिक्षकपनिगु नं सहभागिता दुगु खः।



## कीर्तिपुर नगरपालिका कार्यालय

कीर्तिपुर, काठमाडौं

**ल्यापटप खरिदसम्बन्धी सिलबन्दी दरभाउपत्र आह्वान गरिएको सूचना**

**(प्रथम पटक प्रकाशितमिति:२०७२/११/२१)**

यस नगरपालिकाको लागि ल्यापटप खरीद गर्नु परेकोले ईच्छुक रजिष्टर्ड आपूर्तिकर्ता, फर्महरुबाट चालु आर्थिक वर्षका लागि नविकरण भएको इजाजतपत्र, स्थायी लेखानम्बर दर्ता प्रमाण पत्र एवं मूल्य अभिवृद्धि कर दर्ता प्रमाण पत्र, व्यवशाय दर्ता प्रमाण पत्र लगायत अन्य आवश्यक कागजातहरु समेत संलग्न गरी देहाय बमोजिम सिलबन्दी दरभाउपत्र पेश गर्नुहुन आह्वान गरिन्छ।

- १) दरभाउपत्र फाराम खरीद गर्नको लागि आपूर्तिकर्ता व्यवसायी आफै वा अख्तियारनामा सहितको व्यक्ति उपस्थित हुनु पर्नेछ।
- २) सिलबन्दी दरभाउपत्र निम्नानुसार मिति, समय र स्थानमा खरीद गरी दर्ता गरि सक्नुपर्नेछ। दर्ता भएका सिलबन्दी दरभाउपत्रहरु दरभाउपत्रदाता व।निजको आधिकारीक प्रतिनिधीको उपस्थितिमा नगरपालिका कार्यालयमा खोलिनेछ। निजहरु उपस्थित नभएमा पनि सिलबन्दी दरभाउपत्र खोल्न कुनै बाधा पर्नेछैन।

**वा**

यस दरभाउपत्र सार्वजनिक खरिद अनुगमन कार्यालयको पोर्टल [www.bolopatrapat.gov.np](http://www.bolopatrapat.gov.np) बाट समेत हाल्न सक्नुहुनेछ।

३) तोकिएको मितिमा विदा परेमा विदाको भोलिपल्ट (कार्यालय खुलेको दिन) सिलबन्दी बोलपत्र फाराम खरीद गर्ने, पेश गर्ने तथा खोल्ने कार्य हुनेछ।

४) सिलबन्दी दरभाउपत्र दाखिला गर्दा आफूले कबुल गरेको दर अंक र अक्षरमा स्पष्ट लेखी खामको बाहिरपट्टी कामको नाम लेखी प्रष्ट बुझिने छाप लगाई सिलबन्दी गरी दाखिला गर्नु पर्नेछ। अंक र अक्षरमा लेखिएको दररेट फरक पर्न गएमा अक्षरमा लेखिएको दरलाई मान्यता दिइनेछ।

५) सिलबन्दी दरभाउपत्र साथ कबुल गरेको अंकको २.५ प्रतिशत (अढाई प्रतिशत)ले हुने रकम धरौटीको रुपमा नेपाल राष्ट्र बैंक थापाथलीमा रहेको यस नगरपालिकाको धरौटी खाता नं. स.अ. १२०४७०३-००१-०३०-५२४मा जम्मा गरेको सककल बैंक भौचर वा मान्यता प्राप्त वाणिज्य बैंकले जारी गरेको जमानीपत्र संलग्न भएको हुनुपर्नेछ।

६) स्पेशीफिकेशन यस कार्यालयबाट दरभाउपत्र साथ उपलब्ध गराईनेछ। स्पेशीफिकेशन अनुसार प्राप्त नभएका दरभाउपत्र माथी कुनै कारवाही हुने छैन।

७) यस दरभाउपत्रसम्बन्धी अन्य कुनै पनि कुरा बुझ्नु परेमा विदाको दिन बाहेक कार्यालय समयमा जिन्सी शाखामा सम्पर्क राख्न सकिनेछ।

८) दरभाउपत्रमा मूल्य अभिवृद्धि कर बाहेकको दररेट उल्लेख गर्नुपर्नेछ।

९) दरभाउपत्र स्वीकृत गर्ने, नगर्ने, आंशिक रुपमा स्वीकृत गर्ने सम्पूर्ण अधिकार यस नगरपालिका कार्यालयमा सुरक्षित रहनेछ।

१०) दरभाउपत्र सम्बन्धी विस्तृत सूचना यस नगरपालिकाको सूचना पाटीमा टाँस गरिएको छ।

११) प्रस्तावित कार्यको निमित्त आवश्यक अनुभव, जनशक्तिको आवश्यक कार्यदक्षता तथा योग्यता, प्राविधिक मालसामान तथा उपकरणहरुको विवरण, आर्थिक दक्षताको विवरण विमा सम्बन्धि व्यवस्था एवं मालसामान आपूर्ति तालिका दरभाउपत्र साथ संलग्न हुनुपर्नेछ।

१२) यसमा उल्लेख भए देखि बाहेकका कुराहरुको हकमा प्रचलित कानून अनुसार हुनेछ।

१३) यस सम्बन्धि थप जानकारी कीर्तिपुर नगरपालिका कार्यालयको वेबसाइट [www.kirtipurmun.gov.np](http://www.kirtipurmun.gov.np) हेर्नुहोला।

### तपसिल

सि. नं.	सामानको विवरण	दरभाउपत्र खरीद गर्ने अन्तिम मिति, समय र स्थान	दरभाउपत्र पेश गर्ने अन्तिम मिति, समय र स्थान	दरभाउपत्र खोल्ने मिति, समय र स्थान	दरभाउपत्र फाराम खरीद मूल्य
१.	ल्यापटप थान- १५ (स्पेशीफिकेशन अनुसार)	प्रथम पटक प्रकाशित मितिले १५ दिनभित्र। कीर्तिपुर नगरपालिका कार्यालय (कार्यालय समय भित्र)	१६ औं दिन, दिनको १२:०० बजे सम्म कीर्तिपुर नगरपालिका कार्यालय	१६ औं दिन, दिनको ५:०० बजे, कीनपा कार्यालय	३००।-

# ‘अरनिको कृत स्वेतचैत्य’या बारे सत्यमोहन जोशी



**१३ औं शताब्दी उगु ईया चित्रणयात कया: ‘अरनिको कृत श्वेतचैत्य’ च्यागु ख: सत्यमोहन जोशी**

(शताब्दी पुरुष, संस्कृतिविद् डा. सत्यमोहन जोशी थ्व इलय् थःगु उसांयया च्यूता: कया: थःगु हे छें यलया वखुँवहालय् च्वनाच्वनादीगु दु । ९७ दँया भाजु डा. जोशी अझ नं बल्लानि । सेखं ज्वर व छुं भच्चा दमया हुनिं वय्क: वंगु लच्छि न्ह्यःनिसें छेंय च्वना: आराम यानाच्वनादीगु दु । भाजु डा. जोशीया थ्व इलय् वय्क:या तःधंगु कृति ‘अरनिको श्वेतचैत्य’ महाकाव्य खस भासं अनुवाद जुया: पदनेत्यंगु दु । नेवा: अनलाइनन्युजं वय्क:लिसे थ्वहे महाकाव्यया विषययात कया: यानागु खँ ल्हाबल्हाया सारसंक्षेप थन न्ह्यव्वयाच्वना । (सं.)

**खसभासं अनुवाद जुया: पदनेत्यंगु महाकाव्य ‘अरनिको कृत श्वेतचैत्य’यात कया: छुं ध्वाथुइका: दीला ?**

१३ औं शताब्दी उगु ईया चित्रणयात कया: महाकाव्य च्यागु ख: । पीदं न्ह्यः नेपालभाषां थुगु महाकाव्य पदने । थ्वयां लिपा, अंग्रेजी भासं अनुवाद जुया: सन् २००७ य पदने । आ: थ्व खस भाषां पदनेत्यंगु ख: । थथे खस भाषां पिकायेत्यनागु हुनि राष्ट्रिय विभूति अरनिको उगु इलय् चीन व नेपा:या सांस्कृतिक स्वापू स्थापित यायेगु नितिं गुगुकथं ज्या यात धैगु खँ सकल नेपा:मिपिन्सं अ:पुक ब्वने फयेमा धका: थ्व महाकाव्य पदनेत्यंगु ख: ।

**थ्व महाकाव्य दुने दूगु मू खँ छु ख: ?**

थुगु महाकाव्य दुने अरनिको या:गु चीन व नेपा:या धार्मिक स्वापूया लिसेलिसें चैत्यया महत्व छु ख: धैगु खँयात कया: विस्तृतरुपं च्यातयागु दु । नेपालय् मूर्ति व देग: लिपा जक निर्माण जूगु ख: । चैत्य न्हापलाक निर्माण जूगु ख: । थुकथं चैत्य यँय, यल, खप सकभनं दु । चैत्यया दर्शन विस्कं दु । स्वयम्भू महाचैत्य धैगु तःधंगु बौद्ध दर्शन ख: । उकिं महायान

धर्मावलम्बीया लिसेलिसें थेरवादीपिन्सं नं चैत्ययात पुज्याइ । चैत्य वन्दना याइ । चैत्य वन्दनाया भाव अर्थ सर्वत्रव्याप्त कल्याण स्वरुप भव्य लिसें पवित्र स्वभावया तत्व रुप, बुद्धपिनिगु नं आदिबुद्ध, विविध हित सुख शान्तिया नितिं तेजपुञ्ज, सम्यक् सम्बोधि ज्ञानया मूर्ति, विभूषणय् विलसित पंचज्ञानया हुनिया स्वरुप विकाररहित परिशुद्ध सर्ग: सम्मान सर्वत्रव्याप्त लिसें शान्त गम्भीर या स्वरुप चित्त चैतन्य स्वरुप चैत्य ख: । बुद्धधर्मया जातक बाखं जक कना: जीमखु, मूल बुद्धधर्मया दर्शनयात भीसं थुइका: विइमा: । थ्व महाकाव्यया आजु नं थ्वहे ख: ।

**थ्व महाकाव्यया खस भाषाया अनुवादित सफू फागुन २८ गते पदनेत्यंगु दु, उकियात कया: छुं ध्यादी ला ?**

थ्व महाकाव्य खस भाषां अनुवादित याना: थ्वहे वइगु फागुन २८ गते पथनेत्यनागु मू हुनि नेपा:या प्रधानमन्त्री भारत भ्रमण लिपा थ्वहे वइगु चैत्र ७ गते चीनया भ्रमणय् वनेत्यंगु दु । थ्वहे अवसरयात कया: प्रधानमन्त्री केपी शर्मा ओलीया ल्हा:तं उलेज्या यायेत्यनागु ख: । वय्क: चीन भ्रमण भाइगु इलय् नेपा: व चीनया धार्मिक स्वापू अरनिकोया पालनिसें गुगुकथं दु, थ्व खँयात अझ अप्व: चीनया नेतापिन्सं थुइके बिइकेगु नितिं नं ख: । जिं यानागु इच्छा ला नेपा:या प्रधानमन्त्रीया पाखें ‘अरनिको कृत श्वेतचैत्य’ महाकाव्य चीनया नेतापिनिगु ल्हा:तय् ल:ल्हाना: नेपा: व चीनया दथुया स्वापू अझ अप्व: क्वातुकेगु कथं खँ जुइमा धैगु हे ख: । अले मेता खँ थ्वहे सन्दर्भय् धायेत्यनागु छु धायेवल्य जिं २०४४ सालय् ‘कलाकार अरनिको’ नांया सफू च्यागु ख: ।

उगु सफू तत्कालीन जुजु वीरेन्द्रयात बियागु ख:सा जुजु वीरेन्द्र उगु हे सफू ब्वना: नेपा: व चीनया ऐतिहासिक स्वापूया लिसेलिसें चीन व नेपा:या स्वापू गुलि पुलां धैगु खँयात कया: उगु भ्रमण इलय् ध्वाथुइका: दीगु ख: । आ: नं जिं

थुकथं हे थुगु महाकाव्यपाखें प्रम ओलीं चीनया भ्रमणया इलय् अन च्वपिं नेतापिन्त नेपा: व चीनया धार्मिक स्वापूयात कया: खँ थुइका: दीधैगु भलसा कयागु दु ।

**छिं आ:तक च्वयादियागु गन्थमध्ये ‘अरनिको कृत श्वेतचैत्य’ महाकाव्य दकले उत्कृष्ट महाकाव्य धका: थुइका: ब्यूसा बांलाइ कि ?**

अनुसन्धानया लिसें अरनिकोथें जा:म्ह व्यक्तिया खँ च्वयेगु उलि अ:पुगु ज्या मखु । थुकिया सोध यायेगु धैगु तःधंगु खँ ख: । अरनिको उगु इलय् या:गु ज्याखँयात मुंकेगु तःधंगु खँ ख: । लिसें चैत्यया महत्वयात थुइकेगु थुकिया दर्शनयात व्याख्या यायेगु अ:पुगु खँ मखु । थ्य ल्याखं थ्व महाकाव्य जिगु उत्कृष्ट च्वसा ख: । थ्वयां न्ह्यःने ल्यूने नं जिं मजिपा: लाखे, ध्वं च्वलेचा, बाघभैरव, लाखे क्व:थलेगु, चारुमति आदि ऐतिहासिक प्याखंत अनुसन्धान व अध्ययन याना: च्वया । तर आ: पिदनेत्यंगु खस भाषा अनुवादित महाकाव्य विस्कं कथंया महत्व दु । सुभाय् । स्रोत: नेवा:अनलाईन

पंग:

पपू हाया:च्वंम्ह भंग:पंछी थें  
अभिमन्यू चक्रव्युहलय् लानाच्वं थें  
मनूत कुघा: नं त्यय्का: च्वन  
दु:खं घेरय् याका: च्वन  
लस्करं पंग: वया: च्वन  
मनूत भ:भ: नया: च्वन



अशोक सोकी

अय्सां थःगु दु:ख प्व:चिना  
दु:खयात त्व:पुया सिंगार पतार याना:  
भंभं धाय्का: उखेंथुखें जुयाच्वन  
थःगु दु:ख चिंकेत ब्याय् ब्याय् जुयाच्वन

छगू पंग: चिंकेगु मेगु पंग: वइगु  
अय्सां मनूत कत:पिन्सं कू खिनी धका:  
ग्याना तडक भडक जुया  
थःगु प्रदर्शन यानाच्वनी

छुं ज्याभव: जुलघा:सा  
अंग्रेजी म्ये कुसी व ब्यांचा तिन्हू थें  
अर्थ नं बर्थ ल्याय्म्ह ल्यासेत तिन्हुया च्वनि  
लिपा थ: थ: ल्वाना  
रमाईलें धमाइलो याना वनि ॥

## देयून्यंकया नेवा: पत्रकारतयूत नेवा: पत्रकार राष्ट्रिय दबूया विशेष इनाप

नेवा: पत्रकार राष्ट्रिय दबूया निक्वःगु तःमुँज्या थ्व हे वइगु ने.सं. ११३६ चौलागा पारु (०७३ बैशाख ११) गते शनिवा: कुन्हु ऐतिहासिक नगरी किपुलिइ जुइगु जूगु दु । थ्व भवलय् दबूया थीथी कचाया ज: न्हूधा: यायेगु, न्हूज: इनेगु व कचाया दँमुँज्या यायेगु ज्या जूवनाच्वंगु दु । थ्व ल्याखं थ्व हे वइगु ने.सं. ११३६ सिल्लागा एकादश (फागुन २२), शनिवा: कुन्हु यल कचाया निक्वःगु तःमुँज्या जूवनाच्वंगु दुसा यें कचाया निक्वःगु तःमुँज्या ने.सं. ११३६ चिल्लाथ्व तृतिया (फागुन २८ गते) शुक्रवा: कुन्हु जूवनाच्वंगु दु । नापं काभ्रे जिल्लाया अधिवेशन ११३६ सिल्लागा आमै (फागुन २६ गते) बुधवा: यायेगु क्व:जी धुंकूगु दु ।

सम्बन्धित जिल्लाया पत्रकार व संचारक:मि पासापिसं कचाया पदाधिकारपित स्वापू तया: ज: न्हूधा: यानादीत, न्हूज: जुयादीत इनाप याना: ।

(ज: न्हूधा: व न्हू ज: जुइगु दिं २ फागुन २० गते तक जक)



**नेवाः दबूकन राष्ट्रिय दबू**  
National Forum of newa: Journalists

ने.सं. ११३२

**निक्वःगु तःमुँज्या**

**झ:झ: धायेक हने**

ने.सं. ११३६ चौलागा पारु


(०७३ बैशाख ११) गते शनिवा:





## राजनीतिक घटना नाप स्वाना संस्कृतिया रुप काइगु छगू उदाहरण

### श्रीकृष्ण महर्जन किपू पराजीत नाप स्वापू दुगु प्याखं धेधेपापा



लिपा वयना चिचीपा:गु बापा: च्या: खा:पा: भन भन अप्वया व:गु दु ।

गवलें बापा: च्या: अर्थात चिचीपा:गु खा:पा प्यापा: जूगु दुसा लिपांगु इलय वया ला भन खुपा: तर्क जुया व:गु दु ।

न्हापा न्हापा न्यापा: जक खा:पा: पुया धेधेपापा प्याखं क्यनेगु ख:सा लिपांगु इलय वया थीथी कथंया गुपा: खा:पा: पुया प्याखं क्यनेगु यानाह:गु दु ।

धेधेपापा प्याखं क्यनीगु भवलय मूल रुपं धा: बाजा व भूस्या:या तालय नापं प्वांगा पुया प्याखं ल्हुइगु ख: ।

धा: बाजाया ताल धइगु हे धेधेपापा धेधे धाइगु ख: । उकिया अर्थ ध्यध्यं अले पापा ख: । अर्थात मनूयात ध्यनेगु व पालेगुया भाव वयेका प्याखं ल्हुइगु ख: ।

अथे मनूयात ध्यध्य अले पापा धका: बाजं थाना प्याखं ल्हुइकूगुया मूल कारण धइगु तत्कालिन अवस्थाय किपूया निति देशद्रोही ज्या या:म्ह धनचा बुढा धाइम्ह धनवन्त सिख्वाल व वयक:या परि वारयात ध्याचू तकेत हुइकूगु प्याखं ख: । तत्कालिन अवस्थाय पृथ्वी नारायण शाहया फौजयात निक्व: तक किपूमितयसं बुका छव:गु ख:सा उगु इलय किपुलिइ हे च्वम्ह धन्चा बुढा धाइम्ह धनवन्त सिख्वालायात पृथ्वी नार



याण शाहया फौजं ल्हातय कया विक्रम संवत १८२२ चैत्र ४ गते सन् १७६५ मार्च १३ विहिवा:या दिनय किपू त्याकूगु ख: ।

अथे किपूमि जुया नं किपूया निति हे देशद्रोही ज्या या:गुलिं उगु परिवार यात ध्याचू नकेगु कथं धन्चा बुढाया परिवार थें हे जुइक न्याम्हेसिया खा:पा: प्याखं सुरु या:गु ख: ।

किपूया स्थानीय मनूतयसं धन्चा बुढा अवले खा:पा: त:पा:म्ह अले त्याउँत्याउँ धा:गुलिं हे त्याउँखा:पा दयेकूगु ख: धाइ । छगू कथं धन्चा बुढाया हे खा:पा: लसि वयेक सिंयागु हे खा:पा: दयेकूगु ख: ।

धन्चा बुढा स्वयम्ह सिख्वाल नं जूगुलिं सियागु हे वया थें हे च्वक खा:पा: दयेकूगु अले वयक:या कला हाकुसे च्वंगुलिं हाकुखा:पा: कथं म्हुकं खा:पा: दयेकूगु अले धन्चा बुढाया केहँया भच्चा त्वा: न्त्या:व:गुलिं न्याँत्वा: थें जुइक खा:पा: दयेकूगु नापं वयया निम्ह कायिपं दुगुलिं हे निपा: बापा: च्या: खा:पा: दयेका प्याखं क्यनेगु या:गु ख: ।

दक्ले न्हापां धन्चा बुढा व वयक:या कलाया याना त्याउँखा:पा: व म्हुकं खा:पा: जक दयेका प्याखं क्यनेगु सुरु या:गु ख: ।

त्याउँखा:पा: पुइम्हेस्यां धन्चा बुढाया थें हे हाउभाउ याना फुर्ति याना सकलसित स्वया प्याखं ल्हुइगु अले बाजंया तालय न्हापा न्हापा चिकं तइगु छयंगूया थल दइगु ख: उकियात कूल धाइगु ख:सा व हे कुलुयात बँस्वाका प्याखं ल्हुइकेगु

या:गु ख: । अथे हे धन्चा बुढाया कला जुया म्हुकं खा:पा: पुया प्याखं ल्हुइम्हेसित दोको बँस्वाका प्याखं ल्हुइकेगु सुरु या:गु ख: ।

अनं लिपा धन्चा बुढाया केहँ थें जुइक न्याँत्वा: खा:पा: दयेका च्वाफि निफि निखे तया खिप: तया कुविइका: बँस्वाकेगु अले निम्ह मस्त बापा: च्या: खा:पा: कथं सिमा कचा छम्हेसित अले मेम्हेसित सिख:मा: लुइका प्याखं ल्हुइकेगु सुरु या:गु ख: । थुगु कथं किपूया निति गदार या:म्ह ब्यक्ति व परिवारयात ध्याचू नकेगु व इमिगु हे हाउभाउ याना प्याखं क्यनेगु सुरु या:गु धेधेपापा प्याखं आ: वया भन भन त:धंगु व आकर्षक प्याखं जुया वंगु दु । थुगु कथंया धेधेपापा: प्याखं क्यनेगु भवलय थुगुसी धा:सा नक्कली खा:पा: दयेका प्याखं ल्हुइकेगु याइ ।

मेमेगु दँय गुगु कथंया खा:पा: पुया धेधेपापा प्याखं ल्हुइकीगु ख: थुगुसी अज्व:गु खा:पा: मपूसे नक्कलि खा:पा: पुइमा:गुया कारण धइगु



न्त्यागु जूसां नं धेधेपापा प्याखं धइगु किपूया राजनीतिक घटनाक्रम नाप स्वानाच्वंगु प्याखं ख: धका: धायेछिं । अले व हे प्याखं किपुलिइ आ: वया छगू महत्वपूर्णगु संस्कृति जुया बिइ धुंकूगु दु ।

किपूया गथु प्याखं ख: । गथु अर्थात मालीतयसं भिनिदँय छक: क्यना वयाच्वंगु छ: प्याखं क्यनेगु दँय उगु प्याखं स्यनेगु ज्या वंगु गथांमुग: नख:निसें सुरु जुइसा गथु प्याखंयात अप्व: प्राथमिकता बिइत अथे धेधेपापा प्याखं धा:सा नक्कलि खा:पा: पुया क्यनेगु चलन दु । अथे हे धेधेपापा प्याखंसिबें न्हापायागु प्याखं गथुप्याखं जूगुलिं नं सायद गथु प्याखं अर्थात छ:प्याखं

नेवा: समाजय गुलि नं संस्कृति विकास जुयाच्वन अले क्यना वयाच्वन व धइगु फुक्कं छुं नं छुं राजनीतिक घटनाक्रम वा सामाजिक घटनाक्रम नाप स्वनाच्वंगु दइ ।

ईया आवश्यकता कथं सुरु या:गु छगू पला: हे लिपा वना उकियात निरन्तरता बिइ धुंका: व संस्कृतिया रुपय हिला वनीगु



क्यनीगु जुया थुगुसी नक्कलि खा:पा: पुया धेधेपापा प्याखं सापारु कुन्हु क्यनीगु जुइमा: ।

न्त्यागु जूसां नं धेधेपापा प्याखं धइगु किपूया राजनीतिक घटनाक्रम नाप स्वानाच्वंगु प्याखं ख: धका: धायेछिं । अले व हे प्याखं किपुलिइ आ: वया छगू महत्वपूर्णगु संस्कृति जुया बिइ धुंकूगु दु ।

किपूया पराजय नाप स्वापू दुगु प्याखं हे किपूया संस्कृति जुया वंगु थुगु उदाहरणयात कया स्वयेगु ख:सा

जुयाच्वन धका: किपूया धेधेपापा प्याखनं स्पष्ट रुपं क्यनाच्वंगु दु ।

किपूया धेधेपापा प्याखं धइगु र ाजनीतिक घटना नाप स्वापू दुगु अले किपूयात पृथ्वी नारायण शाहनं त्याकूगु किपू पराजय जूगु घटना नाप स्वापू दुगु संस्कृति ख: । उकिं नेवा: समाजय वास्तवय संस्कृति गुगु कथं विकास जुयाच्वंगु दु ? धइगु खँ स्पष्ट यानाच्वंगु दु । उकिं नेवा:तयसं संस्कृति गुलि नं हनाच्वन व संस्कृतिया अर्थ छु ख: ? अले उगु संस्कृतिं बियाच्वंगु सन्देश छु ख: ? समाजय गुगु कथं प्रभाव लाकाच्वंगु दु नापं जनताया जनजीवनय गुगु कथं प्रभाव लाकाच्वंगु दु धका: स्पष्ट जुया न्ह्या: वनेमा:गु अवस्था दु ।

क्वचाल (मेगु वालय नेवा: समाजय छ: पुजा यायेगु संस्कृति अले नेवा:तयसं गुगु कथं छ: पुजा याइ धइगु विषययात दुथ्यका थुगु पेजय पिथनेगु जुइ लं च्वनादिसं )



## फागुन २८ व २९ गते सम्यक महादान सम्यक महादानया ब्यानर छःने कांग्रेसया प्रचार



यलया तंगः त्वाः नागशालय् जुइगु ईतिल्हने सम्यक पर्वया प्रचारप्रसारया नितिं तयातःगु ब्यानरया छोने नेपाली कांग्रेसया भिंस्वक्वःगु तःमुंज्याया नितिं प्रचार प्रसारया ब्यानर तयातःगु लू । न्यादैय् छक्वः नागबहालय् जुइगु ईतिल्हने सम्यक महादान पर्व थुगुसी नेपाल संवत् ११३६ चिल्लाथ्व तृतिया व चौथि ( फागुन २८ गते व २९ गते) दिपंक तथागतपिं नागबहाय् विज्याका हनीगु जूगु दु । उगु सम्यक महादानय् किपूया जगतपाल महाविहार चिलंच्वया निम्ह समस्यक दिपंकरया मूर्ति नं तये यंकीगु चलन दु । अले किपूया उगु मूर्ति दक्ले च्वय् तयेमाःगु परम्परा दु ।



## कुतः पिकाकःया छक्वलं प्यंगु सफू विमोचन जुइगु

कुतः पिकाकः खपया नीन्यादै बुन्हिया लसताय् वैगु सिल्लागा आमै (२०७२ फागुण २६ गते प्यंगु सफूया छक्वलं उलेज्या जुइत्यंगु दु ।  
खुसिबुं, येँया नेपाः वैक्वेटय् भिनिता इलय् जुइगु उगु ज्याभवलय् नांदम्ह उपन्यासकार व बाखंकमि भाजु मथुरा साय्मिया “खालु” उपन्यास, डा. तुयुबहादुर महर्जनया “खप भाषिकाया खँवःधूकू”, पशुपतिमान पःमांया “भिंम्ह मनू” व तीर्थभक्त थकूया “सर्ग” काव्य सफूया पितव्वज्या जुइगु खः । थुगु पिकाकपाखें उपन्यासनिसें थीथी कथंया बाखं सफू अले चिनाखँया सफू तकं पिथने धुंकूगु दु ।  
कुतः पिकाकपाखें आः तकया दुने नेपालभाषाया निसःगू सफू पिथने धुंकूगु दु । उकिं कुतः पिकाक नेपालभाषाया प्रकाशनया ख्यलय् छगू तःधंगु योगदान जुया विउगु दु ।



## फागुन २४ गते किपुलिइ विचार गोष्ठी जुइगु

दैय् दसं चैत्र २० गते किपुलिइ शहिद दिवस हना वयाच्चंगु दु । थ्व हे शहिद दिवसया सन्दर्भय् शहिद स्मृति व्यवस्थापन समितिं बइगु फागुन २४ गते सोमवाः ‘नेपाःया “न्हूगु संविधानय् शहिदया योगदान व शहिद प्रतिमा परिसर संरक्षण” विषयसं विचार गोष्ठी यायेत्यंगु दु । ऐतिहासिक जन आन्दोलन २०४६ सं किपू लागां देश व जनताया नितिं ज्यान पानावीपिं वीर शहिदपिं लनबहादुर महर्जन, हिराकाजी महर्जन, राजमान माली व राजेन्द्र महर्जनया लुमन्तिइ दैय् दसं चैत्र २० गते किपुलिइ शहिद दिवस हना वयाच्चंगु खः । उगु दिवसयात व्यवस्थित यायेत किपुलिइ शहिद स्मृति व्यवस्थापन समिति नीस्वनातःगु दु ।

थ्व हे दथुइ सहिद स्मृति व्यवस्थापन समिति किपूया प्रतिनिधिपाखें किपू नगरपालिकायात ध्यानाकर्षण याकूगु दु । समितिया छपुचः प्रतिनिधि मण्डल नगरपालिका ज्याकुथि थ्यंकाः सहिद दिवस चैत्र २० गतेया ज्याभवः, सहिदया नामय् फ्यानातःगु बजेट व किपू नपा-५ वडा खासिवजारय् सहिद भवाता(शालिक) दूगु थाय् जःखःया संरक्षण यायेमाःगु विषयसं ध्यानकर्षण याकूगु खः । समितिया संस्थापक नायः टिकाराम महर्जनं स्थापनाकालनिसंया इतिहासबारे खं तयादीगु खःसा पुलांम्ह नायः कृष्णमान डंगालं विनियोजित बजेट आलताल यायेमज्यूगु धयादिल । समितिया छयाञ्जे नारायण महर्जनं किपू नपाया संरक्षणय् दूगु सहिद प्रतिमास्थलया संरक्षणय् ध्यान बिइमाःगु, वार्षिक विविध ज्याभवः संचालनय् नपाया आर्थिक अवस्था प्रभावकारी जुइमाःगु धासें सहिद दिवसया लसताय् विचार गोष्ठी ज्याभवः जुइगु जानकारी बियादिल । दुजः रामभोला महर्जनं सहिद प्रतिमास्थलया पुखू संरक्षण यायेमाःगु, पुखुली ट्राफिक प्रहरीया कवाडी मोटरसाईकल डम्पिड यायेमज्यूगु धयादिल । ज्याभवलय् प्रतिनिधि मण्डलय् दुजःपिं हरिकुमार महर्जन व कर्मलाल महर्जननापंया दुजःपिनिगु उपस्थिति दूगु खः । प्रतिनिधि मण्डललिसे खं ल्हासें किपू नपाया कार्यकारी अधिकृत उद्धव प्रसाद रिजालं सहिद दिवस व प्रतिमास्थलबारे ध्यानाकर्षण याकूगुलिं सुभाय् विसं नपाया विकास व गतिविधि फुक्क नगरवासीया हितय् जुइगु जूगुलिं संरक्षण यायेगु सवालय् फुक्क सक्रिय जुइमाःगु धयादिल । वय्कलं सहानुभूति जक दयां मगाः सहमति हे जुइमाःगु खँय् वः विसं सहिद दिवस हनेगु भवलय् नपाया ग्वाहालि निरन्तर दइगु धयादिल ।

# हार्दिक श्रद्धाञ्जली

स्वयं कर्म करोत्यात्मा स्वयं तत्फलमस्तुते ।  
स्वयं भ्रमति संसारे स्वयं तस्माधिमुच्यते ॥  
आत्मा स्वयं कर्म गर्छ र आफै फल भोग्दछ, आफै संसारमा विचरण गर्छ र त्यहाँबाट आफै मुक्त हुन्छ ।

जन्म: वि.सं. १९९० कार्तिक लक्ष्मीपूजा

निधन वि.सं. २०७२ फागुण १०

**स्व. कुलनारायण महर्जन**

मेरा प्रातःस्मरणीय श्रीमान/ हाम्रा श्रद्धेय पुज्यनीय पिता **कुलनारायण महर्जन**को २०७२ फागुण १० गते माघ शुल्क पूर्णिमाको दिन ८३ वर्षको उमेरमा स्वर्गारोहण भएकोले दिवंगत आत्माको चिरशान्तिको कामना गर्दै हार्दिक श्रद्धाञ्जली अर्पण गर्दछौं । साथै यस दुःखद घडीमा हामीलाई समवेदना प्रकट गर्नुहुने सम्पूर्ण शुभचिन्तक महानुभावहरुमा हार्दिक धन्यवाद ज्ञापन गर्दछौं ।

<b>श्रीमती :</b> पुनमाया महर्जन	<b>छोरी/ ज्वाइँ</b> पुनवती/सुरेश महर्जन	अमृता महर्जन	भान्जी/ज्वाइँ	<b>पनातीहरु:</b>
<b>छोरा/बुहारी</b>	<b>बहिनी ज्वाइँ</b>	समिक्षा महर्जन	ज्ञानीशोभा/दयाराम महर्जन	सरोजनी, अरनभ, देवेन
हिराकाजी/शुभनानी महर्जन	नातिभाई महर्जन	प्रभात राज महर्जन	<b>नातिनी/ज्वाइँ</b>	विक्रम, रफिम, साकार
पुष्प / करुणा महर्जन	<b>नाति/ बुहारी</b>	सदिक्षा महर्जन	सुनिता/रवि महर्जन	
	सुरज/पल्लभी महर्जन	<b>भान्जा/बुहारी</b>	सुनकेशरी/बालकुमार श्रेष्ठ	
		ज्ञानेन्द्र/अमिता महर्जन	सुलोचना/रुपेन विक्रम गुरुङ	